

Regional News Unit AIR Aizawl
Tuesday, March 18, 2025
Time - 7:30 -7:40Hrs

REGIONAL NEWS BULLETIN

HEADLINES (MORNING)

- MLA te hlawh leh pension siamthatna tur, The Mizoram Salaries, Allowances and Pension of Members of the Legislative Assembly (Amendment) Bill, 2025 chu House in lungruual takin a pawm.
- BJP Mizoram State President Pu Vanlalhmuakan Assam Rifle ram luah mipui hnena hlan let a ni ta chu India hmarchhak hmasawnna hmahruai a ni, a ti.
- Prime Minister Narendra Modi leh New Zealand PM Christopher Luxon te chuan nizan khan Raisina Dialogue vawi 10-na an hawng.
- Defence Minister Rajnath Singh-a leh US Director of National Intelligence Tulsi Gabbard te chu nimin khan New Delhi ah an inkawm.

<><><>

MLA

Mizoram Legislative Assembly session neih mekah MLA te hlawh leh pension siamthatna tur, The Mizoram Salaries, Allowances and Pension of Members of the Legislative Assembly (Amendment) Bill, 2025 chu lungruual taka pawm a ni.

Bill puluttu, Parliamentary Affairs Minister Pu Vanlalhlana chuan amendment bill a putluh hi a original chu kum 1999 khan pass a ni tawh a, kum 26 kalta a mi a nih tawh avangin siamthat ngai a awm nual tih a sawi a, Bill-ah chuan MLA hlawh leh pension chungchang bakah damdawi lama inenkawlina senso, medical facilities-te a tel a, hetihlai hian ex MLA-te damdawi lama inenkawlina senso ah an vah velna bil theihna a awm lo a, hemi chungchangah hian Former Legislators' Association of Mizoram, FLAM pawhin lehkha an thehlut a, pass mai theih a ni thin lo tih a sawi a, bill siamthat tur a putluh chuan GPC-in paih a remtih angin, ex MLA-te an damloh inenkawlinaah an veivahna senso an bill theih lohna chu paih a nih thu a sawi a, he amendment bill hi member pui te pass pui turin a sawm a, sawi ho lovin House chuan lungruual takin a pass ta a ni.

<><><>

HOME MINISTER : PRISON

Home Minister Pu K Sapdanga'n Armed Veng-a Aizawl District jail chu Central Jail thlanga ram zau takah sawn tum a nih thu sawiin an hmalakna a hlawhtling thei a nih chuan tuna Central Jail a awm mek chu a thawl phah dawn a nia ti.

Nimina Assembly rorel inkhawma zawhna leh chhanna hunah sawiin, Home Minister chuan Mizoram district hrang hranga jail te chu a tawt thu leh mi tang awm thei zat tura ruahman let deuhthaw deuh vek an tang mek tih sawiin, a sakna tur lama sum harsatna leh a tang tur lam pung chak lutuk avanga harsatna an tawh mek chingfel turin Mizoram sorkar chuan remchang a hmu dawn ni-a a lan thu House a hrilh a ni.

Home Minister chuan zawh belhna chhangin, SASCI Part 1 hnuaia jail hrang hrang thuam thatna tur cheng vbc 55 an dawn chu district jail 8-ah sem darh a ni a ti a, jail hrang hrang te chu a hmuna tlawhtu siamin Central Jail-in mamawh tul a neih phuhru turin Mizoram sorkar chuan hma a la mek a ti a, dan bawhchhia thiam loh chantir tawh, an tihsual sim tawh, rin ngam te awmna tur, Open Jail chu Mizoramah tih ve theih a ni em tih zirchiang turin mithiam ruat mek an nih thu a sawi bawk.

<><><>

ART & CULTURE MINISTER

Art and Culture Minister Pu C. Lalsawivunga’n Mizoram Sorkar hnuaiah Mizoram State Museum, Mc Donald Hill, Zarkawt ami leh Lunglei District Museum, Sazaikawn ah a awm mek thu House a hrilh.

He thu hi nimina Assembly thutkhawma zawhna leh chhanna hunah sawiin Mizoram State Museum building thar tur chu MINECO-ah luah theih mai turin buatsaih mek a ni a ti a. Peih fel a nih hunah chuan Mc Donald Hill, Zarkawt-a mi hi sawn phei tura buatsaih leh buaipui mek a ni tih a sawi.

Pu C. Lalsawivunga chuan District Museum, Sazaikawn, Lunglei chu sak thar a ni mahse thawktu erawh an indaih lo hle a ti a, Mizo pi pute thlang tlak dan chhuina kawngah Art & Culture Department chuan kawng hrang hrangah hma a la tih a sawi bawk.



BJP MIZORAM PRESS MEET

BJP Mizoram State President Pu Vanlalthmuakan Mizo mipuite mamawhna hrethiam taka Assam Rifle ram luah mipui hnena hlan let a ni ta hi India hmarchhak hmasawna hmahruai a ni, a ti

He thu hi nimina Mizoram BJP Office a chanchinbu mite an kawmnaah sawiin Pu Vanlalthmuaka chuan Assam Rifle in Kum 1890 atanga alo luah tawh Mizoram mipui tana hlanna hun Union Home Minister Pu Amit Shah an a hmanpui leh Mizoram mipui te lawmpuina chibai bukna a hlan chu BJP Mizoram Pradesh chuan lawmawm a ti a. Prime Minister Narendra Modi an Mizoram khawpui Aizawl chu mipui te tan hmun awl tlem tawh tak a nihna hrethiam a, Mizo mipui te beiseina tihhlawhtlin sak a Assam Rifle hmun, mipui tana hlan let chu a duhdan a ni a ti.

BJP Mizoram chuan ram inhlan let tak hi Mizoram khawpui ti nuam zualtu ni ngei tura hman tangkai a nih theih nan state Sorkar an beisei thu leh Mizoram tan a tul apiangah thawhpui chu Mizoram BJP chu a inpeih reng a ni a ti a. Union Home Minister in Mizoram tan a hmasawna hnathawhna tur vbc. 5842 lai pek anih tur thu a sawi thu sawiin, Hmarchhak state a ngaihpawimawh vangin Prime Minister chuan vawi 78 lai a tlawh tawh a ni a ti.

BJP MLA pahnih Pu Beichhua leh Pu Hrahmo bakah MADC leh CADC CEM leh Party hrulaitu ten Raj Bhavan ah Pu Amit Shah an hmuh thu sawiin, Lengpui Airport chei that a tul thu an thlen a, CM Pu Lalduhoma hnena thurawn alo pek tawh angin Airport hmasawn nan Airport Authority of India (AAI) in a tul anga cheithat hna thawk tura ngenna ziaak a thlen a ni a ti a. ADC pathum ten 125th Constitution Amendment bill 2019 a tak a hman thuai a nih theih nan ziaakin ngenna an thlen a. MADC tana Special package pe thuai tur leh CADC area hmasawn na atana 16th FC Chairman hnena thlen tawh tih hlawhtlin a nih ngei theih nana hma la turin Union Home Minister hnen ah thehluh a ni a ti.



MID-DDK

Mizoram Indigeneous Games (MID) 2024-25 chu nilaini khian Aizawl Chaltlang Field ah tan a ni dawn a, ni 3 chhung a awh ang.

Mizoram Indigenous Games (MIG) Secretary Pu VL Thakima chuan Mizoram Indigenous Games neih tur hian Mizo te tan rah tha chhuah se a duh thu nimina Doordarshan Mizoram Indigenous Games 2024-25 cum Cultural Festival hruaituten Aizawl Press Club a chanchinbu mite an kawmnaah a sawi a, Pu VL Thakima chuan Mizoram District tina competition neih hnuah a state level competition neih a nih atanga a vawikhatna nia a hriat thu a sawi a. MIG chu ngaihlu a, nakin zel atana Mizoten infiamna kan neih chu International Games thlenga ram changkangin inelna atana an la hman ve ngei a rin thu a sawi bawk a ni.

Tun tum MIG ah hian inelna chi 5 neih tur a ni a, mimal leh tang ho inelna neih tur a ni dawn a ni. Inelna hi Insuknawr, Inbuan, Insaihrupawh, Inarparhai leh Inkawibah hmanga inelna hi buatsaih tum a ni a.

Tun tum Mizoram Indigenous Games 2024-25 neih tur hi Delhi a Doordarshan Directorate atanga Doordarshan Channel tih larna atana duan Broadcasting Infrastructure & Network Development (BIND) hnuiaia atanga project niin sum tumtu pawh hi BIND a ni a. DD Mizoram leh DD Youtube channel ah Live kaltlanga pekchhuah tum a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni. Vawiin chawhnu dar 2 leh a chanve-ah Chanchinthar puan leh a ni ang.

<><><>

PM

Prime Minister Narendra Modi leh New Zealand PM Christopher Luxon te chuan nizan khan Raisina Dialogue wawi 10-na an hawng. Thusawiin PM Luxon chuan India leh New Zealand te chu khawvela eibar zawinna kawnga thang chak ber pawl an ni chu lawmawm a tih thu a sawi a. Raisina Dialogue ah hian ram hruaituten ngaihdan sawikhawm a, Indian Ocean chhehvela harsatna awmte an sawihona hmun anih thu a sawi bawk a ni. Nimin tlai vek khan Prime Minister Narendra Modia leh New Zealand Prime Minister Christopher Luxon te New Delhi-ah an inkawm a. Ram hruaitu pahnihte hian ralthuam, zirna, infiamna, Horticulture leh Forestry lamahte thawhdunna ziah an remti a. Eibar zawinna kawnga hmalaknate inhriatpuitawn an remti bawk a ni. Thuchhuah a siamah Prime Minister Narendra Modia chuan India leh New Zealand inkara thil pawimawhte zau taka an sawidun thu sawiin abik takin ralthuam leh venhimna lamah thawhdunna tihngheh an rel tih a sawi a ni. Prime Minister Modia chuan India leh New Zealand te chuan firfiakte do turin an thawkdun chhunzawm dawn tih a sawi a ni.

<><><>

DEFENCE MINISTER AND NIA DIRECTOR

Defence Minister Rajnath Singh-a leh US Director of National Intelligence Tulsi Gabbard te chu nimin khan New Delhi ah an inkawm.An inkawmnaah hian hruaitu pahnihte hian khawvel huapa venhimna kawnga hma an laknaah awmze nei taka thawhdun chu ram pahnih tan a pawimawh thu an sawi a. Pu Singh-a leh Pi Gabbard-i te hian sipai nunchan zirna, thawhdunna awmze nei zawk leh thu pawimawh inhrilhtawwna kawngahte tuifinriata venhimna kawnah te hmasawwna pawimawh tak an neih thu an sawilang a ni.

<><><>